

DISPUTATIO

de Iniurijs.

Quàm

DEO ADIVVANTE

*Ex decreto & autoritate Amplissimi Iuridice fa-
cultatis ordinis, in celeberrima & inelyta
Tubingensi Academia*

Sub Præsidio

CLARISSIMI ET
CONSVLTISSIMI VIRI, DOMINI

HEINRICI BOCERI, IVRIS VTRIVSQUE DOCTO-
ris, ac Summi Consistorij Illustrissimi Principis Vvir-
temberg. Alsefforis dignissimi, domini sui obser-
uandi, Mense Mar. die 12. in auditorio Iuris-
consultorum defendere conabitur.

IOANNES KIELMAN SVT-
gardianus.



Tubingæ, per Alexandrum Hoggium, 1588.

Nobili & Clarissimo viro, Domino Ioanni Kiel-
manno, Illustrissi. Principis Vvritenberg: Phys-
sico, Parenti suo summa obseruantia colendo: has de
Iniurijs conclusiones debitæ obseruantia causa, ex
inclyta Tubingenli Academia mittit.

*Ioannes Kielmannus
Sturgardianus*

DISPUTATIO DE IN,

IURIIS.

Conclusio. I.



Iniuria (strictè & specialiter hoc nomine accepto) est delictum, siue maleficium, quò quis contumelia afficitur.

2. *Delictum (inquam) seu maleficium, nam iniuria in dolo & affectu facientis consistit, neq. sine consilio & mente consilari potest, licet ad contumeliam alicuius quid pertineat.*

3. *Est autem contumelia contemptus siue despectio, ad infamiam vel inuidiam, & pudorem alicuius spectans, ut si quid in aliquem inuitum, vel verbis, vel factis committatur.*

4. *Duo itaq. ut iniuria facta dicatur coniunctim requiruntur: Dolus scilicet siue affectus, & contumelia. Unde neq. is, in quem dolus non cadit, qualis est furiosus, & pupillus, qui fraudis haud capax est, neq. is, qui vel dixit, vel scripsit, vel pinxit, vel fecit, quod per se quidem iniuriosum est, at non ex proæresi, affectu & libidine iniuriandi, profectum: quod ex personarum qualitate & coniecturis estimandum est: neq. ille qui quidem dolo aliquid commisit, at non contumelie causa: iniuriarum iudicio condemnandus erit.*

5. *Porro etiã si nulla iniurie vera nobis appareant genera, ubertas tamen permagna modis quibusdam distinguitur: Et primò aliquis vel per se & solus, vel ab alio*

concitatus & cum alio iniuriam facit. Per se & solus cum sua facultate proprię iudicio ac voluntate absq; alterius consilio & ope, aliquem contumelia afficit: Ab alio concitatus, & cum alio, qui alterius consilio & ope alicui iniuriam infert: quo casu non solum is, qui directē iniuriam imposuit, sed etiam consultor, itemq; is, qui opem tulit, iniuriarum tenetur.

6. Secundo iniuria aut re fit aut verbis: Re fieri iniuriam dicimus, cum quis factō quodam contumelia afficitur, eaq; duplex est, aut enim in corpus infertur, aut extra corpus imponitur.

7. In corpus infertur iniuria, cum alicuius corpus contumeliose tractatur. ut si quis vel pugno pulsatur, vel fustibus cedatur, vel verberibus: vel stuprum alicui inferatur: Idem si quis simo corrupto aliquem perfuderit, vel ceno aut luto oblinuerit.

8. Extra corpus fit iniuria, quando citra corporis sui odiosam tractationem aliquis factō quodā despicitur. Idq; pictura fit, aut habitu, aut gestu, aut alio quodam actū Pictura, cum quis ad sui contumeliam pingitur claudus, Cæcus, ad furcam: Vel si fœmina pingatur nuda cum certo vituperio, vel ad eius infamiam alicuius (salua reuerentia) pingantur membra virilia, vel in contumeliam potestatis (saluo honore) pingantur vulua muliebres. Habitu fit iniuria, cum ad contemptum alicuius, lugubri aut squalida vel alia veste quis utitur, Gestu fit iniuria, cum quis suo corpore, vel eius partibus aut adiunctis contumeliam alicuius significat, ut si linguam, ad despectionem alicuius exerat, oculos distorqueat, barbam capillosq; demittat.

Atq;

- Iniurijs.

Actu quodam alicui fit iniuria, si alicuius bona, quasi debitoris, qui nihil debet, possideantur ab eo, qui intelligit nihil eundem sibi debere, item si quis matrem suam: aut pre-textatum pre-texta tamē adfectetur. Si quis domum alicuius vi introeat. Si comes matrone abducatur. Si alicuius contumeliam aquas spurcaverit, fistulas, lacus, quid uē aliud contaminauerit.

9. *Verbis fit iniuria cum quis vocibus ad contumeliam alicuius descendit, nec refert in iudicio vel extra iudicium hoc fiat. Idq; dupliciter contingit, dicto scilicet vel scripto.*

10. *Dicto fit iniuria, cum voces turpes, hoc est, contumeliose, in aliquem pronuntiantur, ut si quis te Sycophantam, delatorem, vel homicidam, vel seruum dixerit, vel aliud aliquod verbum, quo tua opinio minuat: ut quod delictu aliquod commissum vel in genere vel in specie denotat, tibi obiecerit. Idq; si pluribus vocibus in catu cum vociferatione fiat, conuitium dicitur.*

11. *Verbo item Tu mentiris, dicitur & infertur iniuria, licet proferatur cum protestatione, Saluo honore tuo: nisi quis provocatus ad defensionem suae innocentiae & honoris conservandi gratia retorsione utatur, & alicui obijcienti crimen, tale verbum (Tu mentiris) in continenti dixerit: licet adiecerit tu mentiris ut fur & latro.*

12. *Quod si vero te homicidam, aut latronem, aut furem dicenti, responderis simpliciter tu adulter, tu prado, vel similiter tu homicida es, non excusaris, sed ut ipse tibi, ita tu vicissim illi actione iniuriarum teneris, quamvis tu provocatus mitius puniendus sis.*

13. *Et licet iniuriosis verbis veritatem dixeris, nihil*

Disputatio de

ominus iniuriam facis, & iudicio iniuriarum teneris, siue in iudicio, siue extra iudicium hoc feceris: nisi quòd obiecisti, & manifestari interfit Reipub: & ex iusta causa veluti ad utilitatem negotij, de quò agitur & absq; praua intentione illatum sit.

14. Scripto sit iniuria, cum scripto aliquis dolosè despectitur: idq; sit libello famoso, aut alia quadam scriptura.

15. Famosus libellus est, qui ad infamiam alicuius pertinet: ut quo graue aliquod delictum obijcitur, siue auctoris nomen adscriptum sit vel non, siue item adiectum fuerit infamati nomen vel non sit adiectum, sed omisum.

16. Alia iniuriosa scriptura, non famosus libellus est, qua aliquis absq; infamiae nota dolosè contemnitur: Vt si quis luscus, spurius, Claudus, alioùe contumelioso nomine ludibrij causa, in scripta cantilena, rythmo, comædia, &c: appelleretur & traducatur.

17. Tercio diuidimus iniuriam in atrocem siue grauem, & leuem iniuriam.

18. Atrocem siue grauem iniuriam accipimus, quæ contumeliosior & maior est, eaq; vel persona vel factò, siue re ipsa, vel loco, vel magnitudine læsionis aestimatur.

19. Persona, sit atrocior iniuria cum Magistratui à subdito, vel parenti à filio, vel fratri à fratre, vel hospiti ab hospite, vel patrono à liberto, vel homini in dignitate constituto, ab humili persona, vel homini libero à seruo iniuria infertur.

20. Vnde etiam atrox est iniuria, quæ Rectori Academiae, vel professori à Scolastico infertur.

21. Tempore sit grauior iniuria, si interdum conspiciens populo, vel in conuiuio, vel die festo, iniuria in aliquem immitatur.

22. Factò

Iniurijs.

22. Facto si uere ipsa aestimatur atrocior iniuria, si quis ab aliquo vulneratus, fustibus casus, os alicui percussus sit.

23. Loco fit atrocior iniuria, veluti Oculo percusso: item si in Theatro, in foro, vel in conspectu Prætoris, iniuriam quis acceperit.

24. Magnitudine læsionis corporis, vel fame, atrox aestimatur iniuria, si vulnus quod quis ab iniuriatore accipit magnum & periculosum sit: Item si famoso libello bona alicuius fama, laesa sit.

25. Ex prædictis simul intelligitur, quæ sit lenis iniuria. Quæ enim non est atrox, illam leuem esse affirmamus.

26. Deniq, iniuriam patitur quis, vel per semetipsum vel per alias personas, per semetipsum cum directò alicui fit iniuria: per alias personas, cum per consequentias alicui iniuria infertur: ut cum fit meis liberis iniuria, vel seruis meis, vel uxori aut sponse meæ, vel funeri testatoris, aut cædaveri, vel fama defuncti, cui hæres bonorum me possessor ex isto. Spectat enim ad nos, & ad nostram existimationem iniuria, quæ in his fit, qui vel potestati nostræ, vel affectui subiecti sunt.

27. Quod sit ament iniuriator patremfam: vel viduam, vel liberam esse existimauerit, non potest videri aut patri, aut marito, aut sponso, iniuriam fecisse.

28. Sequitur de actione iniuriarum. Iniuriarum actio est, quæ ad correcendum iniuriatorem, eiusq, superbiam ob illatam iniuriam & mitigandam iniuriæ dolorem, agitur.

29. Qui autem hanc actionem instituit, non debet vagari

Disputatio de

vagari cum discrimine alienae Existimationis sed designare, & dicere certum debet, quàm se iniuriam passum contendit.

30. Locum item & tempus, quo iniuria facta est, exprimere in libello actor tenetur,

31. Est autem duplex iniuriarum actio, civilis & criminalis.

31. Civilis iniuriarum actio est, qua actor certam iniuriam penam à se expressam, sibiq; prestandam persequitur: qualiscunq; etiam iniuria fuerit. Nam hodie de omni iniuria etiam atroci, et quae lege Cornelia coerceri iubetur, civiliter agi potest.

33. Hac actione experitur is, qui iniuriam passus est, siue per semetipsum siue per alias personas, contra eum, qui iniuriam fecit, vel per se & solus, vel per alios, Pater enim maritus, & sponsus, itemq; heres etiam, de iniuria sibi per filiumfam: uxorem, sponsum, defunctum, ab aliquo illata, agere potest. Nec refert sciat iniuriator, meum esse filium, vel uxorem, vel sponfam, vel ignoraueris, modò scias filiumfam: vel uxorem, vel sponfam esse. Item hac actione conueniri potest, non solum qui ipse fecit iniuriam, verum ille quoq; qui dolo fecit, vel qui curauit ut alicui iniuria inferretur.

34. Non solum tamen pater, maritus, sponsus, heres, qui adijt hereditatē antequam illata esset iniuria, suo nomine iniuriarū agere potest, sed etiam nomine filijfam: uxoris, sponsae. Nam duplex actio nascitur, una patri, marito, sponso, heredi: altera filiofam: uxori, sponsae, hereditati, defuncti, si illata sit iniuria ante aditam hereditatem.

Qui-

Iniurijs.

Quinimò interdum ex una iniuria tribus oritur iniuriarum actio, neq. una per aliam consumitur, si enim uxori mea filiasam: iniuria facta sit, & mihi & patri eius, & ipsi iniuriarum actio incipit competere.

35. Non tamen filio licet emancipato, iniuriarum actio aduersus patrem competit, nisi atrocitas suaferit. Eademq. est causa liberti & patroni.

36. Neq. si viro aut sponso iniuria facta sit, uxor aut sponsa iniuriarum agit: quia defendi uxorem & sponsam à viro & sponso, non virum & sponsum ab uxore & sponsa æquum est.

37. Domino item pro atroci iniuria, quàm seruus eius passus est, iniuriarum actio competit.

38. Si filiusfam: vel seruus iniuriam fecerit, aduersus patrem, itemq. dominum agitur iniuriarum iudicio. Sed aduersus patrem si filium defendere velis: Si eum non defendat, ipse filius conuenitur. Aduersus dominum noxale iniuriarum iudicium datur, ut vel exhibeat seruum verberandum, vel noxa dedat, vel aestimationem litis sufferat.

39. Si plures serui aliquem ceciderint, aut conuiuium alicui fecerint, singulorum proprium est maleficium. Tot enim sunt iniuria quot persona iniuriam facientium: Et ideo singulorum nomine dominus iniuriarum tenetur: quamuis in facto & damno dato diuersum ius sit.

40. Sed an cedi hac actio possit, controuertitur: Nos glossa Bart: sententiam approbantes existimamus, quod cedi possit.

Disputatio de

41. Agere autem hec civilis iniuriarum actio, potest quis per se vel per alium, puta procuratorem, licet ex Cornelia agatur, item per tutorem, ceterosq; qui pro alijs solent intervenire. Item excipere hanc civilem actionem reus potest: vel per se vel procuratorem.

42. Porro civilis actio duplex est: una iniuriæ estimationem persequimur: altera ad palinodiam agimus.

43. Actio iniuriarum ad estimationem iniuriæ intentatur, cum actor iniuriam ad certam pecunie summam in libello æstimat, pro qua eiusmodi contumeliam pati nolisset, eamq; salua iudiciali taxatione, sibi applicari petit.

44. Actio verò iniuriarum ad Palinodiam instituitur, quando actor petit sibi restitui, famam: ut scilicet iniuriatus pro integratione fame, vel pudoris iniuriati, publice profiteatur, declaret & dicat verba iniuriosa quidem fuisse in conspectu & immerito à se dicta & prolata.

45. Potest tamen actio iniuriarum renocatoria cumulari & coniungi cum ea, qua ad estimationem instituitur.

46. Item actio legis Aquilæ cum iniuriarum actione cumulari potest, si & damnum datum sit.

47. Ceterum criminalis iniuriarum actio est, cum quia omissa civili, iniuriarum æstimatoria actione, per inscriptionem, coram iudice de illata iniuria conqueritur, & iniuriantem ob eandem iniuriam puniri, non autem sibi quicquam præstari, sine applicari petit.

48. Hanc actionem viri illustres: quique super eos sunt, vel per se, vel per procuratores persequi aut suscipere possunt: Reliqui non possunt.

49. Est

Iniurijs.

49. Est verò duplex hac actio, aut enim est extra ordinaria actio, aut est pup: accusatio

50. Extraordinaria iniuriarum actio est, qua is cuius priuatim interest, non fuisse sibi factam iniuriam, à iudice competente petit, ut pronuntiet & declares puniendū esse iniuriatorem, eumq; pro suo arbitrio coëreat.

51. Publica iniuriarum accusatio est, qua quilibet de populo de iniuria, qua lege aliqua publici iudicij vindicari iussa est, in iudicio conqueritur, atq; iniuriantem pœnatis puniri petit.

52. Huiusmodi iniuria est, quàm lex Cornelia coëcreet, ut si quis pulsatus, verberatus, domus uè alicuius vi introita sit. Item qua ex Scto: & constitutione Valentin: & Valent Imp: vindicatur, qualis est qua per famosam scripturam infertur, & deniq; quam lex Arcadij & Honorij Imp: publico iudicio vindicari iubet, qualis est qua sacerdoti vel eius ministro dum sacra faciunt infertur.

53. Proposita autem & intentata in iudicio, vel ciuilitè vel criminaliter actione iniuriarum: Reus inprimis dispiciet, num iure sit proposita, an verò destructa & sublata sit, & proinde saltem de facto sit instituta actio, ut contra eam excipere possit: Extinguitur autem & tollitur iniuriarum actio varijs modis. Et primo morse vel iniuriati, vel iniuriantis. Iniuriarū enim actio civilis neq; heredi neq; in heredem datur: Criminaliter tamen heres iniuriati, ex Bart: sententia aduersus iniuriantem recte agit.

54. Si tamen lis cum iniuriatore adhuc viuente, con-

Disputatio de

testata sit, perpetuatur actio civilis, & instatia litis in eius heredem transfertur. Omnes enim pœnales civiles actiones, post litem inchoatam in heredes transcunt. Criminalis autem actio morte rei omnino tollitur, etiam post litem contestatam.

55. Deinde iniuriarum actio civilis astimatoria, itemq; criminalis ex quacung; causa, etiam ex iniuria vel scripta, finitur anno continuo, hoc est, si ex reali tempore, quo rescivit & comperit iniuriatus, illatam sibi esse iniuriam, annus continuus effluxerit.

56. Tradunt tamen glossa alicubi, & nonnulli Dd: pratoriam duntaxat iniuriarum actionem anno finire: sed eam, qua ex lege Cornelia competit ei qui pulsatus, vel verberatus, cuiusue domus vi introita est, etiam qua per scripturam vel picturam est illata, perpetuam esse. Idq; indicando observatur.

57. Post lapsum autem anni & tempore extinctam actionem ex Dd: sententia, potest iniuriatus officium iudicis implorare.

58. Actionem verò iniuriarum reuocatoriam perpetuam esse tradunt.

59. Tertio iniuriarum actio tollitur pacto, item, transactione: Sed si ita simpliciter remittatur iniuria, nulla facta mentione damnorum, & interesse, non videtur remissum ius consequendi damnum & interesse.

60. Quarto perit iniuriarum actio iureiurando, si scilicet ex delatione iurisperandi Reus iuret, se iniuriam non fecisse.

61. Quinto extinguatur iniuriarum actio dissimulatione

Iniurijs.

latione, hoc est, si verbis vel indicijs contestatus nō sit, illico i. cui iniuria facta est, se eam accipere, & ad animum reuocare. Quod si continuò reuocauerit ad animum iniuriam, licet postea saluet iniuriatorem, vel ei manum det, vel osculetur ipsum, vel bibat, & edat, cum eo, non tamē actionem, sed duntaxat rancorem (ut Dd. loquuntur) remisisse videtur.

62. Deniq; tollitur iniuriarum actio re indicata: nam si actum sit priuato iudicio, denegandum est publicum: & similiter ex diuerso.

63. Quod si reus huiusmodi aliqua exceptione non repellat actorem, ad probationes & alias defensiones & exceptiones proceditur: siue ciuilitè siue criminaliter agatur. Nam ut priuatum sic & criminale iudicium, per probationes & exceptiones agitur, utrumq; etiam litis contestationem requirit.

64. Actor autem probat iniuriam sibi factam esse à Reo, & quidem ipsius dolo malo, quod ex personarū dictorum & factorum qualitate aestimandum est.

65. Si enim Reus sit doli capax, non furiosus, non pupillus, & verba, quæ per se iniuriosa sunt, in aliquem vel dixeris vel scripseris, aut factum aliquod per se iniuriosum gesserit: ut si quid dixeris, vel scripseris, vel feceris, quod sit contra bonos mores eiusdem loci, ubi facta est iniuria, & ad contemptum actoris pertinere videatur, nihil amplius ex parte actoris requiritur, quàm ut eiusmodi verba iniuriosa dicta vel scripta esse, aut contumeliosum factum gestum esse, per testes aut instrumenta probet. Nisi de hoc Reipropriam habeat confessionem,

66. Nam verba vel facta per se iniuriosa inducunt

Disputatio de

presumptionem animi doloſi: contra proferentem. Talis enim praſumitur animus, qualem verba ostendunt: Et verba facta q̃, teste Aristotele, sunt nota passionum, quae in animo sunt.

67. *In hac tamen iniuriarum causa per eos testes, qui sunt de cognatione & familia sua, actor probare nequit. Quippè cum iniuria uni ex consanguineis facta, ceteris etiam de familia facta esse intelligatur. Sed ad quem usq; gradum, in arbitrio iudicis consistit, qui ex facti qualitate, & consuetudine Regionis, iudicabit, an etiam consanguineus ultra quareum gradum, vel vlscriquem, ea iniuria affectus sit.*

68. *Probata actoris intentione rei votum est, illam elidere, & contra eam se defendere: ut, si doceat, se non animo faciendae iniuria, quid dixisse, scripsisse, aut fecisse: quòd ex personarum verborum, & factorum qualitate & circumstantia aestimandum est.*

69. *Magistratus etiam, si vindictam publicam exercet, non infert iniuriam.*

70. *Neg, is, qui ex decreto Magistratus in alicuius persona quid fecerit, puta cum non obtemperantem duxerit, iniuriam facit.*

71. *Si quog; sutor, puero parum benè facienti forma calcei, tam vehementer cervicem percusserit, ut ei oculus effunderetur, ex eo iniuria non praſumitur.*

72. *Neg, etiam praſumitur iniuriandi animus inter sanguine iunctos, neg, inter affines, quorum aliter contra alterum inuitus, testimonium dicere non cogitur.*

Iniurijs.

73. Si quis etiam per iocum, aut dum certat, aliquem percutiat, non intelligitur facere iniuriam, nisi iocus, vel percussio illa, æquo frequentior fiat.

74. Ebrius item, hoc est, qui ob cerebri imbecillitatem ex casu & præter opinionem potu largiori, mente alienatus est, siquidem furioso & mortuo comparetur, proinde in ipso propositum, & peccandi voluntas absit: si quid iniuriosum in aliquem dixeris, iniuriam reuera non infert. Ebriosus verò, hoc est, qui ex vitioso habitu sciens, prudensq; inebriatur, si consueverit esse rixosus, et excitaribus, aliosq; verbis iniurijs proscindere, neq; ignores, se ebrium tali vitio laborare, quia tunc ebrietas ad casum destinata censetur, iniuriam facit.

75. Quòd si etiam aliquis hæc verba in quendam proferat, TV DICIS FALSVM, non videtur iniuriam inferre, quàmuis elati, & superbi, huiusmodi verba incontinenti assumant in suam iniuriam dicta. Quansdo enim verbum aliquòd est indifferens, & potest sonare iniuriam vel non qualia sunt prædicta verba, tunc in mitiorem debet accipi partem.

76. Si quisq; dixeris cuidam, quod sis nobilior & probior ipso, non afficis eum iniuria nec teneris iniuriarum actione.

77. Deniq; per iusiurandum purgationis Reus se defendere potest: Iudex enim ex equitate consideratis personis, & iniuria circumstantijs, an à propinquo vel amico facta sis iniuria, non publicè sed priuatim, tale iuramentum purgationis deferre potest Reo, ut is iures quod

Disputatio de

quòd verba iniuriosa non iniuriandi animo protulerit.

78. Quod si autem actoris intensionem, Reus elidat, & excludat, Iudex eum absoluit. Sin minus condemnat ipsum, & modo in pecuniariam pœnam actori applicandam: aliquando in pœnam extra ordinariam pro suo arbitrio: Quandq; verò ex lege publici iudicij in pœnam lege definitam.

79. Si enim agatur ciuilitè, iudex pecuniariam pœnam, ad quam actor iniuriam aestimauit, primum pro iniuria qualitate (consideratis videlicet circumstantijs, an atrox vel leuis sit iniuria) taxat ita, ut vel sequatur aestimationem actoris, vel minoris iniuriam aestimet, respiciens scilicet ad id tempus, quo facta est iniuria. Deinde actori iuramentum deferri, qui si nolit iurare, ad moderationem, & taxationem iudicis, eò quòd minus petitione & opinione sua aestimatum sit, iudex interloquitur, & recusanti, sub comminatione absolutoria sententia, iuranti præstationem iniungere potest. Deniq; præstito iuramento Reum in Taxatam pecunia summam actori præstandam condemnat.

80. Hic quæstionis est, an tale iuramentum mortuo iniuriato, eius hæredi possit deferri? Et quòd possit verius putamus.

81. Reo autem, pendente lite mortuo, hæres eius de nouo citari debet, ad reassumendam causam, nempe ut uno verbo omnia acta & actitata, præhabiti Iudicij repetantur, nec cum ipso hærede nouus processus instituat.

82. Dams

82. Damni verò accepti non videtur habenda ratio, in hoc iudicio iniuriarum, cum magis vindicta quam pœna persecutionem habeat. Sed dubium non est, quin ob damnum acceptum augeatur condemnatio, quamvis non principaliter hoc agatur.

83. Quòd si criminaliter extraordinariè agatur, iudex pro suo arbitrio Reum pœna afficit, quæ ex causa & persona statui solet. Et serui quidem flagellis cæsi dominis restituuntur. Liberi verò puniuntur vel pecuniaria pœna, si sœo applicanda, vel pœna corporis. Et quidem humilioris loci fustibus subijciuntur: Ceteri autem vel exilio temporali, vel interdictione certa rei coercentur: qui verò diffamandi alterius causa, in monumento publico quid posuit, de medio tollitur.

84. Sin autem publico iudicio agatur, cum ex lege publici iudicij, quæ vindicari aliqua iniuria iussa est, tunc in pœnam eadem lege definitam, Reus condemnatur. Veluti ex lege Cornelia, quòd quis pulsatus, verberatus, domus uè vi introita est: Reo in tertiam partem bonorum publicatio imponitur, si homo liber fuerit: si seruus, extra ordinem duriori pœna plectitur.

85. Qui verò libellum famosum scripsit, vel ab alio scriptum euulgauit, olim quidem ex Sæto: intestabilis esse iubebatur: Sed postea Valentin: & Valent: Impp: constit: capitali pœna plecti iussus est.

86. Similiter, si facta sit iniuria Sacerdoti, vel eius ministro, dum sacra faciunt, iudicio publico, Reus sententia capitali vindicatur.

Disputatio de

87. *Præter illas iniuria pœnas siue ciuilibes, siue criminaliter, licet de modica iniuria agatur: Reus (uo nomine condemnatus, etiam infamia notatur: Excepta (ut volunt) actione reuocatoria, in cuius sententia in Iudicio Camerali, & alijs Consistorijs, etiam expresse fit honoris conseruatio: ut & iure VViri: si reus non perseuerauerit in verbis iniuriosis.*

88. *Quinimò, qui cùm pretio quantocunq; pactus est, ne secum iniuriarum ageretur, infamia notatur.*

89. *Potest tamen certis modis euitari infamia, & primò quidem, si reus ipse personaliter nō compareat, sed tantum per procuratorem, quo casu in procuratorem sententia profertur, tanquam dominum litis, eoq; condemnato, neq; ipse, neq; dominus, infamia notabitur.*

90. *Secundò euitari infamia potest, si in iudicio ciuili aestimatoria, Reus ante conclusionem causæ, vel si conclusum sit, ante condemnationem, iniuria aestimationem persoluat.*

91. *Tertiò reus infamia notam effugere potest, si super iniuria auctoritate iudicis vel Magistratus transigat: alioqui Reus cùm pretio transigens, infamis efficitur*

92. *Deniq; infamiam iniuriator euitare potest, si gratuito nulla data pecunia paciscatur cum iniuriato, ut iniuriam remittat.*

93. *Postremò ad actorem & accusatorem quod attinet, absoluto reo, an scilicet pœna aliqua ipsos maneat, sciendū est, quod index Reo absoluto incipit de actoris vel accusatoris*